

小說名畫大觀

貳





倫理小說

十四種



貞義記

雪平女士

清中葉。蒲州太守劉登庸。平谷人。生女秀姑。端慧絕倫。需次京師時。與山陽程觀察光奎子允元締姻。未幾程南歸。音問遂絕。劉罷官。自平谷遷津之北倉卒。家日落。遂鬻其宅。女與庶母姊妹。徙居李氏破屋。冬無衣。姊妹互相依背坐。值夏淫雨。相聚於屋傍草棚中。雨洿洿下。不已。有好義者。謀救之。知準提菴尼照震頗好善。告以意。尼曰。此吾意也。潔一室。往迎之。老弱乃扶攜冒雨踏泥來。無何。女之姊妹先後死。居半載。其庶母病疫。又死。女遂孑然一身矣。幸工鍼黹。藉以糊口。依尼居。準提菴者十六年。復隨移津城之接引菴。又十四年。外人無得見其面者。菴中有醮事。婦女紛來。知女名。爭欲識之。女閉戶不聽。入皆敬羨而去。初女之弟宗善者。入贊武清李氏。生子永安。八月。宗善之楚遊不返。永安既長。歲一輦其母來省視。欲迎之。往。女堅不可。曰。俟過六十。徐議之耳。

程允元歸後。其父下世。家亦窘。每欲北上就婚。其兄不聽。往。有傳劉女物故者。勸程別娶。程義不負。劉曰。即死。必酌其墓。然後議。迺遣坎珂。遷延者三十年。丁酉春。始附漕艘來。過平谷。訪女墓不得。遇舟人王某。問之。曰。良有然苦矣。劉公之歿也。其子壯



佛
陀
之

者。逃出不返。婦女幼者多死。惟女第四尚存。曾許字淮上程某。聞程已古人。而女誓不別嫁。先寓吾倉準提菴。後遷津菴。不知何如矣。程躍然曰。予即程某也。謂女已死。此行特欲杯酒澆孤墓耳。今尚在乎。顧訪之當何從。曰。若有啞僕。義人也。女在城時。節必往候。前數年。聞菴有嫁女事。憤絕。覓尼拳毆之。既知嫁者為尼姪。乃已。君得導引。宜可達。程亟訪啞僕。得之。欣然拉程行。至接引菴。叩門。尼照震出。具白原委。尼曰。子之來也。無左驗。真耶偽耶。曩有新選大尹。少年喪耦。俾其戚託尼道意。女慍。不食二日。累我謝罪。誓不復言。始休。不可以重污吾貞女耳。閉門。遲入。程惆悵久之。去至船。語其鄉人楊某。楊乃約眾。以男義女貞。公籲成全。連名具呈於運舟。遂移牒津令。金公之忠。訪之確。遣巡司吳某。喻尼勸嫁。女以無父母。主婚辭。吳曰。縣父母。即父母也。且女之所以守者。為程也。程已至。而猶不嫁。將何謂乎。女聞之。泫然泣下。於是乃許。時六月朔日。金公為潔館。備彩輿夫馬。具兩姓官銜儀仗。特書義男貞女金字牌。執役數百人。衛程親迎於接引菴。觀者塞途。無不咨嗟歎賞。嘖嘖一詞也。既而金贈以妝奩資斧。為具關文。送之南旋。

雪平女士曰。山陽吳恆宣。曾作義貞記傳奇。以演其事。首載邵蔭南如棠貞義行一詩。尤佳。予從親串處。借讀一過。殆海內秘本也。因手錄其詩一通。並記其始末。成小說一篇。仍名曰貞義記。附邵詩。以傳。猶之陳鴻作長恨歌傳也。詩曰。

倚嗟夫婦人倫首。男義女貞古無有。彼蒼作合終有時。白首依然成配偶。岑川程氏家山陽。好客人呼小孟嘗。需次京華名藉甚。殷勤為子擇齊姜。蒲州太守衣冠族。有女深閨掌中玉。一見傾心縞紵投。百年願把絲蘿續。佳兒嬌女甫髫齡。一語纔通締好盟。銀河有待雙星渡。未屈魚軒百兩迎。從來世事有消歇。富貴榮華如轉睫。雁羽終成南北阻。燕飛竟作東西別。弱冠來龍願未諧。相思何處問鸞釵。堂前空有宜男祝。牖下曾無季女齋。嬌首浮雲暗於邑。迢遙京洛無消息。夜夜時縈寡鵠愁。年年祇抱鰥魚泣。之子伶仃立路隅。蒲東歸櫬返鄉閭。家園蕩盡淒涼甚。一僕扶攜到直沽。腸斷同懷諸姊妹。空門寄跡甘顛顛。隻影熒熒繡佛幢。臨妝賸有烏雲在。妾意君心各自留。斷蓬飛絮兩悠悠。任他鄰女誇紅袖。我望良人矢白頭。苦志貞操神所佑。分明暗室朝曦逗。偶逐蒲帆直北行。其中自有機緣湊。繫纜延迴一水濱。征車僕僕擁飛塵。路傍爭說劉貞女。觸撥羈人記憶真。叩門尋訪深深語。罷織停鍼聽靦縷。莫認浮游蜂蝶踪。須知本是鸞皇侶。風流令尹畫堂開。五色花封手自裁。豈菴梢頭春已去。合歡枝上月方來。同心結綰無差異。上如青天下如地。蘋藻思將婦職修。結襦不負先人意。裙布相莊食業邊。一經追憶轉淒然。赤繩繫足三千里。曠日盟心五十年。輕裝結束回南鷺。魚水新懽艷行路。小築枚皋舊宅邊。親操井臼相依住。唱隨琴瑟有和聲。一日賢名遍楚城。好共青燈酬絡緯。羨伊黃髮警雞鳴。肩輿迎到黃堂側。舉止

幽閑大家則貞義長昭彤管輝作歌示我邦人式
婦女惟守節最難非具有絕大毅力者不能故歷代咸尊視之褒榮之典有加焉
倫常所在舉凡泰東西各國莫不敬羨歎賞以為美德乃讀時賢主張謂婦女守
節足釀成大家族主義為國家前途之害況處女守貞尤大背人道誼無所取噫
信如斯言則數十年後惟字典中有孀字矣悲夫

雪平埏識

(完)

言情小說

情秘

全一冊

價洋二角




上海文明書局發行 各省中華書局代售



冰天小史

蕉心

別生湖上。印度童子一。厥名西亞。執柯伐冰。斧聲沖沖。冰穿矣。成一洞。黑流汨汨。湧出復奔之洞。已大適用。西亞乃置斧不復伐。而取岸旁之釣絲。絲甚長。端繫鐵絲。製成之鈎。鈎上有餌。為柔韌之獺皮。西亞踞雪塊上。投鈎入洞。以俟湖鱒吞餌。洞內水黑如漆。與明澈之水。圓相掩映。一犬名克不立。踞洞旁。側其首。目灼灼。注垂綸。犬殊高且壯。毛豐厚。茸茸遍體。狼首狐尾。而其心則殊忠愛。故深得主人歡。西亞兀坐。候魚凝若木偶。湖平如砥。白雪漫漫。四週松柏成林。近接湖畔。圍繞如環。枝葉雜錯。壓雪纍纍。人語不聞。鳥獸聲絕。此時舍此漁童與犬外。有生之物。皆無睹焉。西亞靜坐。有頃。復探身前。投餌入稍深處。其面小作深紅色。狀殊冷肅。黑睛炯炯。若有深思者。兩月前。此湖之濱。固人煙稠密之場也。克利印度一族。遷部落於此。消炎夏。帳幕如鱗。兒童成隊。雞犬相聞。婦女操作。獵人往來。且絡繹不絕。擾擾攘攘。何等喧闐。乃未幾而寒來暑往。此部拔帳南旋。至秋吉爾河之濱。作聚族度冬之計。西亞固克利印度族也。衆去此。被曷獨留。蓋西亞之父。覓得一川。產獺良夥。貪獵獺皮。因決意留月許。再南向與衆合。始則運良佳。所居之樹皮屋中。懸獺皮纍纍。日益增多。忽一日。其



佛受福

父出獵不返。翌日仍不歸。惟克不立獨回。肩上負重創。似為巨爪所創者。西亞及其母俄維利。見狀大驚。知有變。揮犬前導。隨之行。約四時許。入林深處。見一人卧叢莽中。視之。父也。氣息僅屬。然創甚。蓋其父獵時。行深草中。一斑色巨熊。適相值。人獸俱驚。熊揚掌向人。一撲。即緩步去。掌巨可怖。力奇猛。其父遭此一擊。筋骨已碎。體瘦如紙。克不立在側。奮然逐熊。因亦受創。

西亞乃與其母。昇傷者於雪車上。母子及犬。同御以歸。俄維利看護其夫。竭盡心力。而功效杳然。未幾。遂溘然歿。歿時。已屆隆冬。西亞與其母。鋤上積雪。掘成淺穴。茫茫冰雪中。遂為此獵者歸骨之鄉矣。

死者已矣。生者將何為。翹首天南。同族所居之地。遠隔三百英里。堅冰遍野。風雪載途。豈婦人孺子所能跋涉者。且途中。不復有人獵取食物。囊橐蕭然。何以果腹。雖賸有彈藥少許。然彼創死之獵者。遇熊時。曾以其來福鎗抵禦。鎗已損壞。藥又焉用。西亞乃曰。母乎！我等既不能行。曷留此度冬乎。兒能於湖中取魚。兒能設絆捕兔。於是決意留不去。

冰天雪窟。獨釣寒江。西亞之釣於此湖也。匪一日矣。旦旦穴冰取魚。以雪車載之歸。蓋必以此時。豐其儲蓄。先事綢繆。不日寒威將愈甚。不復能耐。湖面冰且愈堅。非斧力所克穿矣。時雖苦寒。然無風。西亞殊覺安適。身上反着麻皮之襖。襖製如襯衫。由

頂上套而下。革製膝褲。邊際鑲以羊毛。毡手套。柔革履。狐皮帽。黑髮蓬鬆。出於帽際。削面高顴。彷彿如蒙紅革。其端巖精細之狀。畢生殆未有過於此時者。忽手中釣絲一掣。魚吞餌矣。西亞稍停頓。輕動其絲。覺有物與腕力相抵抗。乃出其熟練之手腕。驟探身猛曳。燦然一鱗。可七八磅。已出水面。跳躍冰上。急以斧柄擊之。應手挺然。乃向魚口退餌。出復投入洞。此時洞下集鱒甚多。鈎甫投。必有一魚吞餌。鈎無虛下。手不停揮。於是西亞大忙。克不立殊解人意。見積雪之旁。新鮮燦爛之大鱒。堆疊累疊。則大樂。時搖其尾。於冰上連擊。作得意態。西亞偶得一二磅之小魚。則碎而飼之。食立盡。蓋此犬饑腸轆轤久矣。

天寒晷短。容易黃昏。鈎甫三時。日已垂暮。西亞乃收拾綸絲。檢點所獲。計念有三尾。一雪車原置近處。牽之至。車以粗木構成。載以鐵輪。韉以馴鹿之皮。為之疊魚車上。結革繚絡之。防其傾落。復以韉就犬繫之。犬直立不稍動。繫畢。犬仰首視主人。西亞微頷其首。犬知主人意。曳車助御。蓋載重。遠過百磅。一人之力。不能勝也。

雪面堅平。車行滑滑。童子與犬。相將牽車。循一窄徑。穿林行。距湖岸二百碼。路盡處。淨地少許中。一小屋。結竿作柱。覆以樹皮。竿端樹皮有罅。青煙裊裊。出於隙際。地之四周。林木矗立。高出於此。似帳非帳之居室上。室以革幔為門。西亞行近革幔。則止勿進。其母俄維利自內出。西亞曰。母！請看！美哉。車上魚。母曰。善。此足供許日享。

用也。俄維利身着皮衣。一如其子。外被大毡。如搭膊之中。淨地遠處。立竿無數。上搭一架。距地丈許。架上懸魚。累累為數。良鉅。皆西亞前此所獲也。此即為彼曹儲以禦冬之具。高懸者。蓋以防狼。狼雖未必果至。不能不計及也。魚懸一二時。則堅結如木。春陽不至。無虞腐敗。此時俄維利以梭索穿魚腮。連貫一處。西亞取一長松之幹。倚架側幹上。枝杈橫出。利用作梯。其母貫魚畢。西亞取而一一懸之。架上乃取梯回屋中。

屋之中央。熱火一堆。煙氣自屋頂隙處透出。火旁鋪獸革數事。二女孩坐其上。即西亞之妹也。一九齡。一甫四週。室旁柱懸一板。板寬且平。裹以獸革。以細革條緊束之。革上萐苔茸茸。板之裏端。現一紅色慘淡之小兒面。此為西亞之弟。生甫八月。緊縛於此乳牀內。使之不能移動。其首部則尚自由。黑眸灼灼。轉視火光及諸小兒。有時犬亦入室。踞主人側。以舌舐女孩手。西亞之母。入取火上所炙之一魚為餐。西亞食之。殊適口。蓋彼生平所歷。較此尤困苦數矣。有時食罄。惟有束腹使緊。以敵枵匱。小妹等食甚速。西亞對此熒熒熱火。食猶未盡。首已低垂。蓋一日間。冰雪勞頓。困憊極矣。其母添薪於火。以防其燬。眾遂就寢。以毡裹體。墊以獸革。此獸革者。坐卧以之。西亞方欲入夢。耳畔似聞號叫聲。慘而厲。克不立卧其側。翻身起立。作低吠。蓋屋外一狼。

饑寒交迫。思得架上之魚。以為果腹計。西亞念魚懸甚高。狼無能為。遂不致念。復沈沈入睡鄉。

翌日。西亞專事樵採。於門側積薪累。林遠處。一大木為風所拔。西亞則與其母更互替代。以運折斷之枝。幹之巨者。復折為段。一家通力合作。女孩負其小者。西亞自與母挾其大者。營營一日。始克運畢。明日復往湖上取魚。仍滿載而歸。逐日漁樵。勞碌逾恆。蓋魚與薪。為度冬最要品。約一星期。薪已盈屋。魚已物架。俄維利復設絆捕兔。所得亦夥。兒女嬉嬉。俱以為魚兔充盈。足供所食矣。

一日晨興。覺微颼凜凜。天未吹來。俄維利察看天色。訝曰。暴將至矣。於是檢點牆壁。是否堅固。樹皮有無罅隙。復取多魚。熏之煙上。又取薪入室。使盈無何。風伯肆威。愈接愈厲。雪霰遍野。林木吼濤。整日間。雪深已不知幾許。樹皮間有微隙。則雪即時透入。其利雖鋼。弗逮。室內雖有猛烈之火。然數步外。雪之凝結如故。眾以毡裹體。對火蜷縮。然向火處。則肌如炙。背火處。則寒於冰。風聲怒號。莫敢攖其前。幸室四週有林木。稍殺風勢。

一家葉錮。四日寒威。老幼俱莫敢外出。當第三日。有狼一羣。繞屋咻咻。若欲得食而甘心者。俄維利曰。噫。一饑狼為魚腥來矣。則有一反色。巨狼探其可怖之首於門隙。目光猙獰。灼灼逼人。克不立吠而前。直躍撲之。西亞急取燃薪。向狼面擲去。其速率

較犬尤迅。狼中擊狂叫。牙稜稜露。遂逸去。西亞復固扇其戶。是日雪益猛。片片如掌。第四日。風猶不息。

翌晨。西亞先醒。覺風止。喜甚。見火將滅。乃取細薪引之。細者燃。乃更益以巨者。其母亦揉目起坐。曰。暴過矣。西亞方以口噓火。聞母言。回首。噉然。應曰。然。吾等茲無恙矣。室中尚餘數鱒。母擇一大者。就火上炙之。西亞曰。室中魚殆罄。兒食畢。當往取若干。入俄維利。欣然曰。我數日間未工作。而食時較前殊饕餮。西亞曰。閒來無事。惟覺甚永。故食多耳。餐甫畢。西亞興而出。犬尾之有項。俄維利忽聞。西亞失聲狂叫。急趨出視。止見其矗立門外。目瞪口呆。惟以手作指勢。其母隨其指處望去。不禁連聲呼荷。

累累懸鱒。至貴無上之品。所賴以度隆冬者。已杳如黃鶴矣。空架高擎。如無葉之樹。架下積雪。經風鼓盪。聚集成堆。堆上羣狼足跡。點點殆遍。蓋雪緣架竿而增高。狼遂得攀附以上。架上懸魚。掠取一空。無復片鱗。復翅。西亞與其母面面相覷。良久。西亞曰。亡矣。兒當重往垂釣。或有所得。但室內魚尚不知餘幾。於是同返室中。則風雪以前所取入者。食已殆盡。所餘者。祇寥寥三尾耳。

西亞囑弟妹等留室中。令傍火坐。戒毋出。留克不立門焉。已則與母詣湖濱。至則一白無垠。深不可測。母子來往尋覓。冀得一無雪處。縱片。殊不可得。母曰。西亞。汝試尋

舊釣之地。彼處冰或較薄。不然。即有無雪處。而結冰固洵。恐亦不能穿也。西亞憶日前取魚處。直向林中出路。乃詳審其遠近。指定一地。點。母子同力鋤雪。操勞亘四時。猶未及冰。俄維利惓惓室中。數小同處。是否無恙。乃奔回察視。比還。攜魚餉西亞。西亞不肯食。曰。現將及冰。兒尚饜。俟得魚再食。未晚也。又一時許。及冰。諦視之。平滑無斧鑿迹。固非昔日垂綸處也。

西亞愴然以悲。曰。兒誤矣。母曰。此非汝過。茫茫銀世界。誰能判別方向。但汝能穿此冰否。乃提斧自上直鑿之。蓋鋤出之雪。堆積四週。窟深數尺。雪壁巖巖。洞底狹隘。殊無兩人迴旋地。西亞力竭。斧之。冰尚未穿。天已將暮。身輕斧重。臂不能勝。不得已。輟作適返。途中語母曰。明晨當能洞之。抵室。各食殘魚少許。對火枯坐。一霎時。饑腸又復輾轉矣。兩人操勞竟日。而所食之量。僅與諸兒等。搏節之至。然已盡一魚。迴顧烟內所懸。僅餘兩魚。

夜深寒重。有夢難圓。西亞日間食未果腹。饑寒交迫。甫入黑甜。即為寒氣催促。斯時烈風復作。火力寢衰。乃起添薪畢。至革扉前。擬一探室外。甫啟扉一角。則六出飛花乘勢隨風直入。疾扇之。復還卧所。展轉反側。默念風雪重來。母子鎮日工程。得無銷歸烏有。東方纔白。即起趨赴湖濱。凝眸一視。不禁氣噎心灰。蓋徹夜無眠。兢兢慮及者。今竟不出所料。昨日所挖之窟。復被雪填沒無痕。返以白母。母曰。然則無得魚之望。

矣。奈何。語時。目光慘淡。注視一雙小兒女。時兩小已醒。對彼僅剩之食物。作垂涎態。俄維利取一魚。分少許食之。兩行雪白小齒。魚入立盡。饑可知矣。復以一分食西亞。西亞曰。阿母。兒無須。俟晚來再食未遲。前日所設絆索。或有所得。亦未可知。母懸魚原處。已亦空腸轉轂。未肯食也。於是西亞緊束肚帶。取弓挾矢。攜犬衝風冒雪而出。至設絆處。見彼合抱之樹。早為冰雪摧殘。剝膚現骨。皮多不存。絆埋雪底。西亞挽整力掘。一身而外。為之臂助者。僅克不立。犬殊勤健。足抵三人。見小主操作。即亦以爪分雪。亂濺迸飛。主人之整勿若也。至深處。童子不禁大樂失聲。犬伸嘴入雪。銜一兔。出童子取懸樹上。繼又另得二絆索。皆空無所有。乃往挖他處。亦無所獲。復至一地。得二兔。再覓其餘。則皆空。於是復將各處絆索安置完備。荷兔於肩。欣然邁返。家人捋腹久矣。今宵飽啖。如享盛宴。明日復出。僅得一兔。忽惡風怒起。尖銳如刀。革製之衣。幾與單衫等薄。侵髓澈骨。寒不可勝。不得已。早就歸途。比至家。則倚門慈母。已望眼欲穿。

異二肆威。滕六作態。此暴綿延八日之久。當此八日間。曾未敢越雷池一步。設使挺而走險。離火出門。則肅殺之威。鑽心刺骨。百體為僵。五十碼外。絕無生還之望。一家對火蜷伏。瑟縮難堪。零魚賸兔。罄已數日。使非積新豐富。借火苟延。早成異物矣。俄維利取海狸皮一束。此皮係亡夫當日所獵。以備買與赫生灣驛站某商者。皮極佳。